

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Exhortatio Ad omnes Prælatos, Parochos, Curatos, Missionarios, &
Prædicatores Seraphici Ordinis, sub Obedientia Ministri Generalis FF.
Minorum de Observantia degentes: quatenus studeant, & ferventer ...

[urn:nbn:de:hbz:466:1-64103](#)

EXHORTATIO

Ad omnes Prælatos, Parochos, Curatos, Missionarios, & Prædicatores Seraphici Ordinis, sub Obediencia Ministri Generalis FF. Minorum de Observantia degentes: quatenus studeant, & ferventer laborent: ut sanctum hoc Exercitium *Vie Crucis* in qualibet Diocesi, imo (quantum fieri potest) in quolibet loco introducatur. &c.

XV. *D*esolatione desolata est omnis terra; quia nemo est, qui recognitet corde. Sic sua jam olim tempora deflebat Propheta Jeremias C.12. Sed hodie dum heu plus, quam nimis, deplorabilis est Status, in quo jacentem, & (ut ita dicam) sopitam videmus, hisce præsertim temporibus nostris, maiorem Fidelium partem: dum partim vitis, quasi in prædam dati, sanctas omnino virtutes negligunt; partim mundi hujus cupiditatibus depresso, & seculi voluptatibus immersi, nihil aliud jam aestimare dignoscuntur, quam momentaneam quandam hujus fugitivi temporis vel voluptatem, vel utilitatem: viventes in omnimoda, & sanè lacrymabili oblivione eorum, quæ sursum sunt, & quæ sola aestimare deberent, æterna, & nunquam desitura. Ita ut merito renovare nunc liceat illum Jeremiæ Planctum: *Desolatione desolata est omnis terra.* Quod si verò tanti horum temporum danni, & infortunii causam diligenter inquiramus: aliam certè invenire non possumus: quam eandem ipsam à dicto Prophetā, jam ex tunc nobis indicatam: *Quia nemo est, qui recognitet corde.* En omnis mali originem! Non consideramus ea: quæ unicè conside-

Vinea Seraphica.

rare deberemus; & ex hac negligentia, illa debitè considerandi, omnis inordinatio (quam jugiter in male operando advertimus) procedit. Non consideramus æterna; non recognitus immensa Dei beneficia; neque ad multas imo plurimas miseri Statū nostri obligationes attendimus; continuorum miserrimæ hujus vitæ periculorum, & mortis fortè nimium jam vicinæ non recordamur; & (quod pejus est) immemores omnino sumus illius maximi Beneficii: quod in acerbissima Passione sua pro nobis pertulit Altissimus summi Dei Filius. Et ideo *Desolatione desolata est omnis terra.* Mundum jam factum videmus sentinam, & cloacam iniquitatis. Quod igitur erit tanti mali remedium? Ah permittatur mihi hic: ut genuflexus, & ad pedes quorumcunque Venerabilium Prælatorum, Parochorum, Curatorum, Missionariorum, ac aliorum Ministrorum Dei provolutus, illis dicam, remedium illud in suis esse manibus, atque à pia ipsorum voluntate dependere. Satagant quæ omni studio, atque omnibus viribus laborent, & cooperentur: ut in omnem prorsus locum, & populum, sanctum hoc *VIÆ CRUCIS* Exercitium introducatur; & subito validissimum aggerem contra exundantem illum vitiorum torrentem stratum videbunt. O quantum boni in Gentibus producit Exercitium tam salutare! quod aliud à cultoribus suis non requirit; quam ut cogitent, & recognitent summas illas angustias, & crudelissima tormenta: quæ ex solo nostri amore pertulit amabilissimus JESUS. O quantum divini luminis intellectui subministrabit; quantum voluntati fervorem conserferet: quantam compunctionem excitabit in corde frequens illa consideratio amarissimæ Passionis ac Mortis unigeniti Filii Dei?

Magistra rerum id docet Experientia; quæ

B b

quo-

quotidie vel palpabiliter ostendit notabilissimam morum & vitæ mutationem in illis populis , quos inter introductum jam exitit sacram hoc Exercitium : quam subito post ejus introductionem , & praxin advertere licuit : Cùm *VIA CRUCIS* passionibus jupiter rebellibus sit frenum , ac stimulus cordi : quo Anima inducitur ad sanctè & virtuosè vivendum ; Anima enim semper coram oculis gestans terribilissimum illud speculum Passionis amantissimi JESU , non potest non detegere in eodem , ac agnoscere , & consequenter detestari sordes ; quibus corpus suum fœdissimè maculatum cernit ; imò vi-dens Deum suum suū amore tormentatum : subito hoc ipso stimulatam se tentit ad correspondendum dignè tanto amoti , saltem ad ejus exemplum patienter sustinendo tribulationes illas : quæ ex casuam necessitate , seu potius ex divina dispositione in proprio suo statu illi occurunt , tanquam particulas Crucis Christi , illi benignè ab eodem compartitas. Ultra quæ etiam pro illa die (quâ quis hoc sanctum Exercitium practicavit) manifestè quælibet alia cupiditas disparere dignoscitur : estque hæc plurium zelosorum Parochorum observatio : quod ad refrenandos tot excessus (qui diebus præsertim festivis potitando , saltando , chartis , aleisque ludendo , & aliis parùm convenientibus , imò & illicitis jocis , lusibusque tempus illud & sacrum & pretiosum , non solùm inutiliter , sed & impiè sape , ac sacrilegè consumendo , committuntur ; atque ad hoc , ut iidem festivi dies operibus tantum virtuosis , & piis transigantur) efficacius remedium non repertatur , quām hoc Exercitium *VIAE CRUCIS*. Populus enim post Vesperas præsertim ad practicandum hoc Exercitium inductus ; illò finitò , modestior ; ac magis compositus , solitò ; neque aliis tunc recreationibus ità inclinatus conspicitur.

Et hinc est : quod vel solâ hâc experientiâ moti , quidam venerabiles Praelati , & Episcopi , ipsimet nudipedes personaliter crucis hâsc in tuarum Diœcesium Parochiis plantatum iverint ; trahentes post se in odore tam boni exempli corda singulorum. Alii has Stationes depingi fecerunt in Cathedralibus suis Ecclesiis. Alii hanc devotionem ab omnibus suarum Diœcesium Monialibus exerceri voluerunt cum notabilissimo talium Monasteriorum fructu ; attentò præsertim : quod Exercitium tam devotum sit flamma , virginum Deo sacratarum corda , sancto Sponsi sui cœlestis amore accendens , atque amplissimum præcipue eis campum aperiat tempus suum bene & fructuosè impendendi , easdem à mille aliis vanis exercitiis divertens , & ad majora continuò sanctarum virtutum incrementa capienda semper exstimpleret. Alii denique omnes ; & singulas sibi subjectas Parochias , seu Loca obligarunt , ad recipiendam hanc sanctam devotionem , eamque unâ saltem vice per mensem cum omni populo processionaliter practicandam , & re ipsa dicant Parochi illi , quibus felicissima sors obtigit salutare hoc Exercitium in suis Parochiis , vel jam introductum conspiciendi , veletiam illud in ipsas introducendi ; dicant , inquam : quantas viderint à Parochianis suis ad hujusmodi Stationes , & S. Crucis plantationes fundi lachrymas ? quantos audierint gemitus , ac suspiria edi ? quantisque adverterint subiri mortificaciones ? dum etiam quibusdam in locis visæ sint integræ Confraternitates , intempestæ noctis tempore hanc Crucis viam cum suī disciplinatione visitando suum spargere sanguinem per illas ipsas Stationes , ubi illis sparsum à suo Redemptore cruentum contemplari licebat.

Unde quantum unquam possim in visceribus Jesu Christi supplico singulis quibuscumq;

RR.

R.R.D.D. Parochis ; quatenus populum sibi commissum tanto thesauro privari non sif-
fiant : si enim (qui unicum solum sibi à cæ-
lesti Rege concredidit talentum in terram
abscondens occultavit) projectus fuerit in
tenebras extierores abyssi ; quid quæso de
illo erit , qui ab oculis , & corde populi
sui immensum & devotionis , & Meritorum,
atque Indulgentiarum thesaurum occultare
præsumplerit , imò manifestare illis neglexe-
rit ? Scitis utique Dilectissimi : quod à Cura
vestrâ & diligentia , omne bonum , malum-
que Gregis vestri dependeat ; & mihi credite;
quod concreditis sollicitudini & custodiæ
vestræ oviculis majus bonum procurare
non possitis , quam ut eas ad devotam Pa-
ssionis JESU , primi Pastoris memoriam
assuefaciatis : Eja ergo , per amorem ejus-
démum Pastoris Pastorum & JESU Christi .
acceptate hoc incommodum , tanquam quid
leve , aut saltem non grave ; ut nimur Ani-
mas vobis commissas instruatis in sancta
devotione VIÆ CRUCIS , docendo illas ,
quid sit ? quomodo practicari debeat ?
quantumque inde fructum referre possint
tam pro se , & Vivis , quam pro Fidelibus
defunctis ? Si enim mediante vestrâ piâ at-
tentione , populus à Deo curæ vestræ con-
signatus , devotum ad sanctam Christi Pa-
ssionem , & mortem , affectum hauserit ; sa-
lutare hoc Exercitium interdum & saepius
practicando ; certi estote : quod civilissi-
mus vester Redemptor non sit reciprocè de-
futurus ; quin etiam in vobis specialiter ean-
dem olim adimpleat , quam charioribus suis
Discipulis alias jam fecit reprobationem :
confitendi nimur in conspectu Pattis illos
tanquam suos , qui in promovendo gloriam
suam inter homines se ostenderint partialio-
res : *Qui me confessus fuerit coram homini-
bus , confitebor & ego eum coram Patre meo.*
Matt. 10. Quare , ut & vos ipsos tam mag-

no securoque thesauro ditare , illudque ani-
mabus commissorum vestro gubernio Fide-
lium compartiri possitis ; (si vos vicinos esse
contingat alicui loco , in quo VIA CRU-
CIS instituta , seu stabilita fuerit) ne cesse-
tis exhortari Fideles : Quatenus hoc Exerci-
tium unâ saltem vice per hebdomadam pra-
cticent . Si verò longius distent : excitate
illos & stimulare : quatenus aliquoties sal-
tem per annum quosdam festivos dies eidem
Exercitio consecrent , Passioni Salvatoris sui
compatientes . Vos ipsos præbete Duces
Populi vestri , & Antesignanos in hæc devo-
tione ; præbete vos Directores , & Magistros
Gregis vestri ; ut eum majori spiritu fervore
devotio hæc exerceatur , & Via illa terminen-
tur cum maximo omnium fructu . Imò ut
hæc praxis & facilior , & commodior redi-
datur omnibus ; optimum foret : si hæc de-
votio daretur etiam pro Pœnitentia sacra-
mentalı ; cum sit medicina verè efficacissi-
ma : quæ eodem tempore & pœnas , post
culpæ reatum relietas , per indulgentias an-
nexas copiosè delens , & novum spiritui vi-
gorem , per majoris gratiæ augmentum , con-
ferens , ex omni parte à quibuscumque de-
mum animæ infirmitatibus sanat , simul &
præservat ; ita etiam : ut optimè deservire
possit , tam pro congrua præparatione ad S.
Communicnem ; quam pro nobilissima post
illam gratiarum actione . Sæpe saepius etiam
optarem , populis vestris , à vobis repeti
celebrem illam sententiam venerabilis Thomæ
de Kempis : nimur nihil esse , quod ita
conducat ad veram hominis conversionem ad
Deum , ad peccata commissa delendum , &
vitandum futura , atque juxta veræ virtutis
normam vivendum , quam sanctum hoc
VIÆ CRUCIS Exercitium , & pia medi-
tatio sanctissimæ Passionis Christi JESU :
Tentate aleam Charissimi , probate : & vi-
debitis idem fore Viam hanc Crucis in Paro-

chiis vestris institui; ac copiosissimum appetiri ætrium pro ditandis animabus vestris, & sanctificando populo vobis commisso.

XVI. **S**ed super omnes alios, sanctis hisce ac piis desideriis accensos, optarem charissimos meos, in Christo, Confratres omnes, & singulos Missionarios, & Prædicatores nostri Seraphici Ordinis. Nostrum est (Dilectissimi) tam sanctum Exercitium promovere, & ad Nos, ut veros magni illius Seraphici Patriarchæ Filios, spectat: hominum cordibus jugem amarissimæ Passionis JESU memoriam imprimere; memores; non ad alium utique finem sacrosancta illa Stigmata concessa fuisse S. P. N. Francisco (figurato per Angelum illum Apocalypticum) qui habebat signum Dei vivi, quam ut quorumcunque deviatorum Fidelium frontibus inscriberet: T seu Tav, id est: ut omnium mentibus Passionem, & Crucem Redemptoris imprimaret. Ad eundem hunc finem à Divina utique Providentia ordinatum est, ut nostræ præ aliis custodiae consignarentur Loca illa pretioso Christi Sanguine consecrata. Et quod soli Ordini nostro concessum fuerit specialissimum sanè privilegium instituendi VIAS CRUCIS, quæ Indulgentias cum ipsis Stationibus Hierosolymitanis eo modo plenissimè communicaient; quod superius dicebamus.

Adeò, ut Patres nostri in Capitulo Generali Romæ 1688. celebrato, obligationis suæ esse existimaverint, mandate & decerne te: quatenus omnes Ordinis Superiores procurarent maximam hanc, ac verè püssimam devotionem omni studio dilatare. Ut apparet ex num. 44. Constitutionum in eo factarum: *Quia animabus utile, & Deo præ multis aliis devotionibus gratum fore speramus* (sic de Exercitio VIÆ CRUCIS loquuntur) cunctis Ordinis nostri Superioribus

enixè commendamus &c. Imò gloriam S. Ordinis nostri particularem existimantes (quod Exercitum tam sanctum omni cum diligentissima observantia custodiatur) non contenti iidem Patres recommendasse sollicitudinem, illud ubivis locorum studiosè dilatandi; voluerunt etiam: quatenus accurate ab omnibus invigiletur: ne alii nostrum hoc privilegium sibi usurpent plantando, seu instituendo VIAS CRUCIS, cum publicatione Indulgentiarum: utpote solis illis annexarum seu concessarum: quæ à nobis plantatae seu stabilitæ fuerint; & quas, etiam tunc, non alii, sed soli illi certissimè & secundissimè lucrari possunt; qui aliquam ab Ordine nostro dependentiam habent; sive quod sint Tertiarii, sive Chordigeri, sive alteri aliqui ab Ordine nostro dependenti, seu directæ Confraternitati, aut Congregationi adscripti: En ipsa Capituli verba: *Eis simul imponentes ut sedulè invigilent, ne Exteri, & qui nostra Obedientia non subsunt, se in publicatione dictarum Indulgentiarum ad favorem eorum, quibus concessæ non sunt, aliquatenus ingerant, aut sibi dictum Exercitium tanquam sui Instituti peculiare ornamentum appropriare præsumant.* Ex quibus sufficienter colligitur, quod Patres illi, Exercitium sancti dilatationem, tanto cum ardore recommendantes, & ne alii, etiam Religiosi, annexas indulgentias pro se publicarent, impedire volentes, satè intellexerint: ad nos solos spectare VIAS CRUCIS hujusmodi, cum Indulgentiarum publicatione, erigere.

Quapropter ad pedes vestros provolutus religiosissimi Patres mei, & Confratres in Christo amantissimi, vos precor & obsecro: ut omni possibili studio, & majori spiritu vestri sollicitudine pro dilatatione lanci hujus Exercitii laborare velitis. VIAS quidem CRUCIS sinè illis Indulgentiis erigere, in

cm-

omnium est potestate & arbitrio , etiam alterius cuiuscunque Ordinis Religiosorum ; neque in hoc ullatenus eos impedire aut possumus , aut debemus ; VIAS autem CRUCIS (quæ cum sacra illa & originali VIA CRUCIS (quæ Jerosolymis devotè visitatur) in tam copioso tot tantarumque Indulgenciatum Thesauro plenè communicent) in qualibet mundi parte erigere , hoc equidem specialissimum est privilegium , nobis solis , nostrisque S. Ordini concessum .

Nostræ igitur Franciscanæ Paupertatis est , mundum tam ingenti Thesauro ditare ; plantando , & instituendo VIAS CRUCIS in omni civitate , castello , oppido , pago , & loco . Quid ergo exspectamus ? quid hæremus amplius ? quod minus in omnem terram , & locum excurrentes tam sanctum Exercitium ubicunque terrarum , Catholici præsertim Orbis introducamus ? Hic est modus sanctificandi mundum ; eumque à Tyrannico Satanæ imperio eruptum , Creatori & Salvatori suo restituendi ; ubi enim Crux est : inimicus fugit , nec potest tem nec vires habens nocendi iis , qui sub sanctæ Crucis protectione vivunt ; dicente S. Augustino : *Ubi Signum Crucis cum Fide & timore Dei est : nihil ibi inimicus potest nocere.*

XVII. **A** Dvertendum tamen ; quod cruces devotissimi hujus Exercitii representativa plantari & erigi debeant in locis publicis quidem , sed devoris & ab omni irreverentia notâ liberis , & quantum fieri poterit , observandum est : ut VIÆ CRUCIS terminentur ordinariè prope aliquam Ecclesiam , cum piè credi debeat , talem etiam fuisse mentem summorum Pontificum ; nam Ordo noster ita ubique usque huc practicare semper consuevit .

Ast , quia (experientiâ teste) nihil est , quod Diabolus magis satagit impedire , quam

Stationum S. VIÆ CRUCIS erectionem ; hinc iteratò rogare vos debui , Charissimi : ne retrocedatis , nec desinatis à cœpto , aut etiam ab intento tam pio opere , ob contradictiones quotundam ; qui promotioni ejusdem hîc vel ibi se forsan opponent : vestrū erit stimulare Parochos , & Curatos : ut auxiliatricem ad necessaria quælibet manum præbeant , atque ut hos ad tanti boni promotionem facilius attrahatis , vestræ etiam erit industriæ eos ab expensis & sumptibus liberare : exhortando potentiores , & ditiiores illius loci . vel populi , ubi VIA CRUCIS erigenda est ; ut quilibet pro se , aut duo unitim suam crucem plantent , vel etiam tres ; unō arborem , alterō lignum transversum præbente , tertio verò Facturæ , aut etiam Tincturæ curam gerente : & videbitis certatim omnes allaboraturos : ut subitò Cruces & magnæ & pulchræ adsint . Ità tamen : ut pro Majestate simul & uniformitate servanda (quantum fieri poterit) illis persuadeatur ; ut crucis contineant ad minus viginti palmos supra terram vel basin , sintque tinctæ colore vel rubeo vel nigro ; duodecima verò crux reliquis sit eminentior , solitusque SSimæ Passionis Instrumentis exornata .

O quantum quis boni promovit , quotiescumque populum aliquem ad tam sancti Exercitii praxin fervidum effecit ! Sed quia satis supérque mihi cognitus est zelus vester , ad dilatandam semper , ac magis imagisque promovendam devotionem tam sanctam , tam salutarem , ac proficuam , nostro cumpromis Instituto tam propriam , atque à generalibus Ordinis nostri Comitiis , tanto cum fervore recommendatam ; aliud mihi nunc non superest : quām quod Orationibus omnium enixissimè me recommendem : quatenus & ego pauperculus , ac omnium inimimus dignus officiar vitam meam usque ad ultimum impendere promulgationi Exercitii tam san-

B b 3

eti,

cti, pro quo libentissimè & sanguinem, & vi-
tæ contribuerem. Amen.

Informatio necessaria circa VIAM CRUCIS. Quid sit, quæ requisita
habere, & quomodo fervari, ieu
practicari debeat; quásque
Indulgentias habeat
annexas.&c.

XVIII. **I**ter è Prætorio Pilati, ad Mon-
tem Calvariæ: quod Redemptor
Mundi in die sanctissimæ Passionis suæ per-
egit; quemadmodum ultimum fuit, quod
in hac vita perfecit, & plurimis, dolorofissi-
mis, ac sacrosanctæ ejus Humanitatis afflictio-
vis circumstantiis cumulatum exitit: ita eti-
am majori fidelibus Christianis est venera-
tioni, & affectui compatientibus. Quidam
hoc iter **VIAM CRUCIS** appellant, alii
VIAM DOLOROSAM, alii **VI-
AM CALVARII**. Sed prior nuncupatio
communiter est recepta.

Plures Autores de doloroso hoc itinere
scripsierunt, & varia, etiam typis, volumina
prodiderunt; in quibus computantur Passus,
quos Redemptor ultimo illo pœnississimæ
vitæ die perfecit: singulos minutum Pas-
sus exprimendo ab una, ad aliam Stationem,
ab eo factos: incipiendo à Prætorio Pilati
(ubi injustè ad mortem Crucis fuerat con-
demnatus) usque ad summitatem Montis
Calvariæ, [ubi crucifixus fuit & mortuus]
numerando in toto hoc itinere duodecim Sta-
tiones; quamvis quidam pro majori devo-
tione quatuordecim ponant, adjungentes
duo illa Mysteria depositionis: nimirum Ss.
ejus corporis, post mortem de Cruce, ac Se-
pulturæ ejusdemmet Redemptoris nostri.
Ut sic pii Fideles Filio simul compaterentur,
& Sanctissimæ ejus Matri, quæ à fletu &
planctu non destitit, etiam dum defunctum

Dominum sepeliisset. Passus autem, quos in
doloroso hoc itinere Salvator perfecit, pro
ut cum Adricomio plures Authores refe-
runt, fuerunt. 1324. qui faciunt numerum
pedum 3303. Mensuræ tamen Hierosolyma-
tanæ, quæ multò longior est illâ, quâ inter nos
utimur, cùm quilibet pes illius mensuræ
contineat quatuor præcisè longitudines hujus
lineæ vel mensuræ, quæ ad hunc effectum
hic fideliter exprimitur.

Vel juxta opinionem & mensuram com-
muniorem, quam & nos sequimur, nume-
rus dictorum passuum ascendit ad Summam
passuum 1361. Ex quo quilibet Christianus,
& fidelis reflectere poterit; quæ pœnotum
Domino nostro JESU Christo esse debuerit
iter illud, mille trecentorum (& tot ultra) pas-
suum à se factum, post tot tantaque antece-
denta tormenta quæ sustinuerat, & cum gra-
vi illo Crucis pondere, debilitatos, vulne-
ratosque humeros premente, quod porta-
bat.

Christiani, qui Jerosolymas peregrina-
tum eunt, iter hoc dolorosum ordinariè nu-
dis pedibus; plures etiam magnam illius par-
tem genibus flexis perficiunt, compatiens
ita afflictissimo nostro Redemptori, non so-
lum in anima sua per piam contemplationem,
sed etiam in Corpore. Idque ad imitationem
Sanctissimæ Virginis Matris illius: utpote
quæ [sicut multi Autores narrant, & ad-
mittit devota pietas Sacrae Apostolice Sedis]
post mortem unigeniti, ac dilectissimi Filii
sui saepius visitbat Loca ista sancta, & Sta-
tiones: in quibus Redemptor passus fuerat,
& particulare quoddam Redemptionis no-
stræ mysterium fuerat operatus. Unde etiam
jure merito eidem sanctissimæ Virgini, pii
hujus & devoti, eique imprimis tam grati
Exerciti primordium attribuitur.

Ut igitur modo quocunque possibili, &
meliori *sanctissimam Matrem* imitarentur,

ac